

东西洋考

卷一 卷二 卷三

東西洋考序

澄水國也農賈雜半走洋如適市朝夕之皆海供酬酢之
皆夷產間左兒艱聲切而慣譯通罷襪畚而善風占殊足
異也往歲商苦瑄苦胥余條十三議上之稍見蘇時詣予
引覈間進而問徼外風土諸種種異因介司餉金陵王君
謀曰是不可以無紀並郡誌所逸也於是孝廉張紹和父
博物善屬辭延之參咨搜稽閱月二洋考成受梓予讀而
輒然曰異哉吾儒之一耳一目之足以盡海內乎彼僅隔
一帶水華風夷運遞關因陳不啻陰陽寒暑之代乎其前
矣要以茫茫堪輿恢恢函蓋我雖不得文教一之其

所至風櫓所屯西產多珍東產多寶觀其名區
領會護莫非率也甕城椰屋莫非式也寶帶錦帔莫非容
也竹轡筒吸莫非餉也擊鉦踏曲莫非節也灼骨嚙指莫
非盟也吹蠡飲血莫非武也則其異異同同者也獨至嗜
殺敢死枕戈佩盾朝君暮虜東奔西掠不親親而親釋不
問醫而問巫則諸番類然寧獨天性亦漸靡使之耳傳曰
性相近也習相遠也交南諸國非秦漢以及國朝所列冠
帶也乎史稱任延等出守化行俗易矣藉非阻距關河盡
臣服之寧梗化外而勢不行也固天所以格夷而令窮於
華也乃我土之民自倭禁外亶亶然梯航以導之幣質以

要之昵之如嬰孩收之如几席上以佐帑需下以廣生遂
波斯之藏吐耀紫貝之玩充牣非天以夷賜華而不窮於
夷其較著也耶嗟嗟朔方開而竟塞九真郡而旋罷無庸
溯矣居夷出關意念良深余弗克得之星槎而習之三老
長年按性習之異同總百蠻之錯落可市亦可覺者夷耶
綢繆之其奚盡能生亦能殺者海耶疏盪之其奚道誠得
自今一秉於成法不沸而市不挑水國浸稱樂郊獨澄利
也乎哉是編也足以觀矣而第曰續稗史之叢譚資韻士
之夢游非考意也然自非王君好事張君博物予何從以
跼蹐睠方外之跡不更足夸異乎然第以弁諸首

峯

萬歷丁巳嘉平月之廿日西昌蕭基書於李署水心堂

序

漢武聞枸醬而渡夜郎思走馬而征西宛算舟車佐兵革
抽解之征繁興海內罷敝唐宋而後自高駢鑿南海之石
而夷人來市於粵自王審知招航海之商而閩人泛粵以
轉市於夷殊俗從此雜處雖來賓之屬國乎而抱杞憂者
虞其習我內地也我穆廟時除販夷之律于是五方之賈
熙熙水國剗鯨鯢分市東西路其壘載珍奇故異物不足
述而所貿金錢歲無慮數十萬公私並賴其始天子之南
庫也販兒視浮天巨浪如立高阜視異域風景如履戶外
視酋長戎王如挹幕尉海上安瀾以爲田饒饒也

引之禁有如王赫斯怒埽未靖之鯨及討不庭而
至此揮篙舉棹之衆皆瀚海貔貅也有漢之威遠而師餉
不內耗有唐宋之通貨而情形不外洩然則澄之船政豈
非經國阜財固圉強邊之最便者哉古設外史氏掌四方
志重譯獻琛之國王者皆望祭其山川混一弘規固宜兼
收夷夏上下二十四代戎夷叛服互市沿革之變史未嘗
不特書然未有倣郡國誌勒成一家言闡洋溢聖化被及
遐徼者余友紹和張君淹貫史籍沈酣學海將收千古歸
之筆端豈於耳目覩記失之爰次洋考用補前人所未備
是役也司餉夢所王公詣孝廉之船馳域外之觀開采訪

之局垂不刊之典職筦權貨而不僅僅簿書期會塞責嘉
與賢良方正講求此道良足多焉考中形勝風俗物產針
經水程莫不稽之記乘訂以長年事具辭核庶幾無一字
虛設更彙藝文以明雕題鑿齒之區法令所不及而文教
迄之洋洋乎上國之觀哉嘗謂四夷產寶中土產文登是
書於東園西壁閒卽梯航所貢明珠大貝翠羽文犀何多
讓焉余所爲掩卷而太息望洋而興嗟者始乎算緡卒乎
渴澤始乎充軍實卒乎輸內帑功令所推求中貴人所鑱
削卽幸不身填巨壑然實慙於海鱗之吞舟五方之賈稍
稍掉臂不肯入登今虐璫已鋤招集此其時矣昔李勉

州舶明年夷貨增四五十倍仁恕之
蕭公所條十三事切時艱中流弊一本仁恕之意是書成
而蕭規具在執是說以求民瘼衡官常固泉貨盈縮之源
人倫得失之鑒也豈特鋪張靈爽之廣被聲教之四訖跨
軼前代而已哉

月溪主人周起元拜撰

序

昔輶軒使者握槩懷鉛採四方之方言謠俗以備掌故然
皆震旦以內事耳島嶼夔隔波臣閒之自非躬履其地未
易辨悉卽履其地矣自非深心遠綜安能使萬方千門指
畫無爽也余備員清漳謬司權餉之役蓋漳海國也其民
畢力汗邪不足供數口歲張餘艘赴遠夷爲外市而諸夷
遂如漳窺奧閒物云同寅如城蕭公署郡篆每與余蒿目
相將圖維舶政閒進商民細詢其疾苦暇則粗及島外事
時有新語霏霏不絕惜乎莫有善畫者莫能圖而又竊訝
諸國羅峙漲海外大率盡此據舶人目再引何以從

未通中國乃先代貢夷由閩粵來朝者又何以賈船
者多意必傳呼之訛乃紀載闕然良以增慨誰爲合之又
誰爲分之乎蕭公謂余曰子其圖之已稍稍聞前令陶君
嘗禮聘孝廉張紹和載筆從事功未及竣時孝廉方滅景
山棲余強出之俾竟斯局自秋杪至冬終凡四閱月考既
成而鏤劂亦隨就余取而竟讀之始悟舶人所稱某港者
卽古之某國譬之鴻飛天表楚以爲乙越以爲鳬乃今而
鴻常一矣且夫山河之臚列風土之畢敘與夫順逆之異
情強弱之殊勢成敗之屢變豐嗇之遞更試一展卷洪纖
不迷而又徐存權政始末凡良有司之所造福中貴人之

所煽殃華夷兼收鑒誠悉備則斯考之大較也海上人爲
余言中貴人時每歲橫索珍奇以獻闕下名爲方物商人
坐此破產主上仁聖下尺一與商人蠲貸撤中貴還都爲
漳除殘有司受事琅琅宣聖天子恩德明珠大貝悉聽賈
人自有之無敢掠此進尚方今庶幾挾是編以報曰是職
方之外紀主客之逸叢也而以供史氏他日之採無煩輶
軒躬訊其地權臣不敏藉以不尸素云耳

萬歷戊午人日金陵王起宗書於三事餘思軒

東西洋考目錄

卷一

西洋列國考

交趾

清華新州

順化提夷

廣南

卷二

西洋列國考

占城

暹羅

六坤

卷三

西洋列國考

下港

加爾巴

東埔寨

大港

吉蘭丹

舊港 占卑

卷四

西洋列國考

麻六甲 啞齊 彭亨 柔佛 丁機宜

思吉港 文郎馬神 池悶

卷五

東洋列國考 東番考附

呂宋 大港 南旺 玳瑁 中邦 呂蓬
磨老央 以寧 屋黨 崩霧

蘇祿 高藥 樵老 班隘
貓里務 沙瑤 吶哩 暉

美洛居 文萊 雞籠淡水

卷六

外紀考

日本

紅毛番

卷七

稅餉考

水餉

陸餉

督餉職官

公署

卷八

舟師考

內港水程
水醒水忌

二洋針路
定日惡風

祭祀
潮汐

占驗

卷九

稅璫考

卷十

藝文考

卷十一

藝文考

卷十二

逸事考